



XIII

CIRCUITO

GALEGO

PROMOCION

2018

P R E S E N T A C I O N

Dando continuidade ó circuito promoción celebrado no ano 2017, dende a Federación Galega de Xadrez estase a traballar na elaboración do XIII CIRCUITO GALEGO PROMOCION 2018, nun intento de seguir promocionando o xadrez nos rapaces mais xóvenes da sociedade galega afeccionados a este deporte.

Os torneos irían dirixidos a xogadores, obrigatoriamente federados, nados no ano 2004 e posteriores que se encuadrarían en catro categorías:

- Infantís (nados nos anos 2004-2005)
- Alevíns (nados nos anos 2006-2007)
- Benxamíns (nados nos anos 2008-2009)
- Promesas (nados nos anos 2010 e posteriores)

Preténdese que os torneos sexan organizados por Clubes, Institucións, Organismos ou Empresas que teñan como unha das súas prioridades o fomento do deporte base, polo cal dende a organización impulsárase que os eventos promocionen mais a deportividade e a participación, que a competitividade.

O Circuito desenvolveríase preferentemente dende o mes de maio ata o mes de outubro, intentando que non coincidan dous eventos na mesma data e/ou mesma provincia.

Co gallo de diversificar o mais posible o achegamento do xadrez os xóvenes e facilitar a participación de aqueles que normalmente non seguen de preto este deporte, procurarase que se celebren torneos en tódalas provincias galegas.

Todos sabemos que neste tipo de torneos entre uns poucos xogadores acaparan os trofeos das distintas competicións, polo cal considérase oportuno que, a parte dos premios da parte competitiva, dérase cabida a un apartado de agasallos por sorteo, que mantería a incertidumbre e o anhelo ata o final, premiando aleatoriamente a aqueles xóvenes que normalmente non gañan.

Considerando que estamos falando de rapaces que empezan nesta actividade e que todos queremos fomentar a súa continuidade no xadrez, tamén sería oportuno chegar a dar un agasallo participativo a todos aqueles que finalicen o torneo. Con pouca cousa pódese manter a ilusión.

Xa no apartado económico, búscase non gravar a economía dos clubs ou das familias, que xa bastante fan adicándose altruistamente a esta causa, polo cal sería exemplar que os eventos cubriran ós almozos dos xogadores ou canto menos lle proporcionasen merenda e refrixerios. Hai moitas empresas que colaboran co deporte e outras que o están desexando e precisan un impulso.

Por mor de todo isto, elaborouse un “torneo base” que se debería intentar cumprir na maioría das súas pautas, inda que a organización sabedora das dificultades particulares de cada certamen será flexible na integración dos torneos no circuito galego. Trátase de que as competicións xa existentes nas diversas localidades se sumen ó circuito, asegurándose unha maior publicidade e a participación dos mellores xóvenes axedrecistas galegos.

TORNEO BASE

DATAS

Preferentemente entre os meses de maio e outubro.

DIAS

Os sábados, domingos ou festivos en xornada de mañán e tarde.

ROLDAS

As roldas que sexan precisas segundo o número de inscritos.

EMPRAZAMENTO

Lugares de ocio ou diversión para os xóvenes, centros comerciais, complexos deportivos...

SISTEMA E RITMO DE XOGO

Suízo con partidas de entre 15 ou 25 minutos por xogador. Podrase xogar con incremento de tempo. Polo sistema actual de puntuación, NON se poden unificar categorías se houberse baixa inscrición.

ARBITRAXE

Realízase co programa SWISS MANAGER ou VEGA, sendo obrigatorio ter como árbitro principal un colexiado con licenza en vigor, que posea, como mínimo, o título de Arbitro de Base. (Circular Fegaxa 01/2018).

REGULAMENTO

O que estableza cada organización.

DESEMPATES

Os que establezca cada organización

CATEGORIAS

Infantil, Alevín, Benxamín e Prebenxamín-Promesas referidas ó ano 2018.

PREMIOS

Mínimo 5 por categoría (Trofeos ou similar).

AGASALLOS

Para cada xogador que finalice o torneo (Camisetas, Medallas, Recordos, Libros...).

SORTEO

Entre todos os xogadores (Libros, Reloxios, Xogos, CDs, DVDs, Material Deportivo, Dixital...).


SEGURO

Os Clubs ou Entidades organizadoras deberán ter suscrita unha póliza de seguros con coberturas en accidentes e responsabilidade civil, sendo responsabilidade propia o non facelo.

SOLICITUDES DE ADMISION O CIRCUITO

Dirixidas por correo á Federación Galega de Xadrez ou por correo electrónico a fegaxa@fegaxa.org.

ACLARACIONES

Federación Galega de Xadrez  986 23 79 45

Coordinador: Angel Vilas  657 55 30 11

CIRCUITO GALEGO

TORNEOS

Para ser aceptados deberán cumprir maioritariamente as pautas marcadas pola Federación inda que tratarase de amoldar as características individuais de cada evento xa consolidado.

Por cuestións de calendario, non se aceptarán mais de 18 torneos no Circuito.

DATAS

O prazo de inscrición pecharase o 10 de abril de 2018, non obstante, terán preferencia os torneos incluídos no calendario 2017 e o resto das solicitudes por orde de entrada.

XOGADORES

Para inscribirse e participar e obrigatorio ter seguro deportivo, polo cal, previamente a inscrición, os xogadores extanxeiros ou os non federados deberán abonar a cuota correspondente para cumprir este trámite e federarse a través dunha entidade deportiva española, sendo responsabilidade dos seus clubs, entidades deportivas ou colexios non cumprimentalo.

PREMIOS E TROFEOS

A cargo de Federación Galega para os tres primeiros de cada categoría e para a primeira muller. Premios non acumulables. No caso de que unha xogadora clasifique nos tres primeiros da clasificación final, levaría premio o cuarto clasificado.

PUNTOS

Puntuarse da seguinte forma, segundo a clasificación de cada torneo:

- 12 puntos ao primer clasificad@ da xeral.
- 10 puntos ao segundo clasificad@ da xeral.
- 08 puntos ao terceiro clasificad@ da xeral.
- 07 puntos ao cuarto clasificad@ da xeral.
- 06 puntos ao quinto clasificad@ da xeral.
- 05 puntos ao sexto clasificad@ da xeral.
- 04 puntos ao sétimo clasificad@ da xeral.
- 03 puntos ao octavo clasificad@ da xeral.
- 02 puntos ao noveno clasificad@ da xeral.
- 01 puntos ao décimo clasificad@ da xeral.

*Si nos dez primeiros non puntuara ningunha muller, a primeira clasificada da xeral obterá un punto.

*So puntuarán na xeral os xogadores/as, que no momento de celebración do torneo, estén federados na Federación Galega de Xadrez.

DESEMPATES

- Suma da totalidade dos puntos obtidos en cada torneo.
- Mais primeiros postos, segundos, terceiros....

DESCANSOS

Según o número de torneos establecerase un mínimo de participacións para a clasificación final do circuito, ou o que é o mesmo, contabilizar un número determinado de torneos a rematar.

Taboa do mínimo de torneos a participar para puntuar na clasificación final:

Torneos do circuito	Mínimo de Torneos a participar
8-9	5
10-11	6
12-13	7
14-15	8
16-17	9
18	10

* Se dous torneos coincidiran en data, contabilizaranse coma un so, a efectos de participacións mínimas.

CLAUSURA

Para celebrar o derradeiro torneo do Circuito deberase facer unha proposta conxunta que englobe a Gala do Xadrez. Esta xornada final pódese concebir como unha festa do xadrez, donde os rapaces teñan o seu torneo, os pais poidan asistir a conferencias, os monitores a algún seminario, facer un curso de árbitros, etc...

WEB

A páxina da Federación Galega de Xadrez www.fegaxa.org dará cumprida información sobre a normativa do Circuito, as solicitudes de admisión, sobre as bases de cada torneo e os seus resultados, así como da clasificación xeral do XIII Circuito Galego de Xadrez Promoción.